

四庫全書存目叢書編纂委員會編

齊魯書社

四庫全書存目叢書

史部
第二二九冊

責任編輯：孫言誠 賀 偉

ISBN 7-5333-0535-3



2613/11

四庫全書存目叢書·史部二二九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.75 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二二九冊目次

史部·地理類

金山雜誌一卷

〔明〕楊循吉撰
北京圖書館藏明楊可刻本

一

鴈山志四卷首一卷

〔明〕朱諫撰 胡汝寧重輯
上海圖書館藏明萬曆刻本

八

京口三山志十卷

〔明〕張萊撰
南京圖書館藏明正德七年刻本

九九

慧山記四卷

〔明〕邵寶撰
北京師範大學圖書館藏清咸豐七年二泉書院刻本

二一八

衡嶽志六卷

〔明〕彭簪撰
上海圖書館藏明嘉靖七年刻嘉靖增修本

二六六

廬山紀事十二卷

〔明〕桑喬撰 〔清〕范初補訂
中國科學院圖書館藏清順治十六年刻本

三三〇

黃海不分卷(一)

〔明〕潘之恆輯
北京圖書館藏明刻本

六五二

金山雜誌一卷

〔明〕楊循吉撰

北京圖書館藏明楊可刻本

附《四庫全書總目·金山雜誌

一卷》提要

金山雜誌

山在吳縣西三十里少
嘗據書其中終而志之

吳郡 楊循吉著

姪可梓行

山勢第一

山高可五十丈中隆傍掖厥向東也右轉而南有嶺焉即溪者由之其前皆沃野可畊以諸壑為灌每雨餘則澗流之聲淙淙不絕有溪焉山人之所鑿也亦與大渠通而天旱多涸游船或不能至

山始為多徑以入多雜樹藤蘿扶疎傍列鬱然

不金小雜志

清勝及門有池澗水注焉立而前眺已極平遠之懷既而行路彌曲樹益蒙密路窮池見綠波如鏡稍登則舍佛若禪之廬皆萃是望滋遠矣陟右得長崗隆坡有松有竹拾級行數十武山乃半亦有屋甚麗憑闌可遐覽隱隱見城郭也自是而上皆荒峻不可即矣

山少右列一小嶺若障蔽然山由北來已數里至是將轉故結也

多暇子曰山水之勝昔之人皆樂游之然或命侶戒徒即乎窮岩絕壑之境而館餽無所不既

憊耶於此有佛者焉完室堂脩釜兩以惟容之
供然後往有歸而登臨之道備由是言之縉紳
先生之於游觀方將假以為資也而又何訾乎
贊曰吳望南服結此羣山美峰惟金寶秀其
間巍巍溪靜可以容與弗棲隱徒爰居釋侶
乃有殿堂諸岩下高奠芝饌苓其樂陶陶嗟
余鮮儔夙尚丘壑投老于歸孤蹤是托

品石第二

山故多美石巉巉高聳皆碧綠色或至十餘丈
有巖立之勢其左有石焉尤偉而峭或題其上

大金山志

二

曰軍勝字徑丈餘笔力奇勁翩翩動人相傳是
五代隱士陸道書好事者梯而觀焉為之剔藓
而出之今已為山下愚民斧去前此猶有見者
一石方二丈餘平坦如砥在山半嘉木蔭覆其
名曰繡經之石

石梁一自然所生也橫架兩巖之上肌理不連
無所根蒂又非鑿琢而成蓋完石也其下空洞
僅通人行或有至天台國清者曰其梁正類是
多暇子曰自夫鴻蒙判而其凝峙者為山於是
有石以生之夫石者山之骨相也千態萬狀厥

類不一然吾獨取夫怪怪奇奇者焉彼固化工
之所深寶也譬之於士亦豈以狂狷為非材也
哉

贊曰節彼南山有石森峙崔嵬千雲百尺以
起粵惟最勝黛色端然隱人題之禩半于千
盤陀孔夷允副緒誦藉弗用茅廬峭凝重天
台石梁自古攸聞構空乃類亦駭人羣

泉第三

山中泉最甘美掬之嗽亦芳潔有味味與常水
不同又煮以茗薺投以果筍益佳雅屐啜靡厭

大金山志

三

一泉在山巖上落下有石池承之冬夏不竭
名曰珍珠泉謂其滴之碎也釋之棲最高者汲
以飲供可數人

山顛有石池常貯清泉雖大旱水弗縮釋以其
奇也名之雲潏

一池在寺門內名曰梵功而居山之下眾流所
歸頗汚濁不可食魚鱉羣游焉以潏濯漑昏取
是

多暇子曰余聞陸羽善味水第其品有三時在
吳然余嘗焉而莫得其美有以惟羽之吾歎也

及游金山飲其泉天然玉腴而冰寒其甘流芳
滋宜有除病去疾之力雖不品於羽其自為美
泉無疑也自余行西山多矣若白雲七寶徒有
其名不足飲獨於茲泉輒心賞之嘗以語野人
或有操鑿而往者庶幾信吾言乎

質曰雲實融融汙為靈波攸適奚之匪江則
河石池渟泓有蘊其澤酌彼芳甘世味咸斥
維德不孤厥類孔繁延齡潤物異出同源譬
既零珠巔亦橫瀨處卑宜謙下流斯誠

山居第四

八金山雜志

下退居中為碧山堂左曰演妙右曰凝寂皆軒
也其前後並有松竹環遶又有流泉經於階下
匯為小池種蓮花其中其左轉對北嶺新作萬
松堂至是松益多也

北退居在寺左落扉幽僻有山池清樾有南軒
最夷近望翠巖可居字之曰望翠其後亦多美
竹

中山居山之最勝者也有高樓臨長松大竹推
窓清鬱宜暑宜雪上有小閣尤靜美題名者多
在此

上山居地益高前臨壑無餘地皆杉檜密葉布
其下作闌為護始可行下視心動信佳處也有
靜篤軒

清談山居在北居上最多美竹善煮茶

多暇子曰善樓山者不脩室因巖以為寢取林
以為垣風雨虎狼之患弗及斯已矣若是者弗
煩構架得其自然古列仙之儔所以無累而獨
立也自是而下則有崇土木於丘壑者點綴剗
鑿頗戾真尚上士嗤之然學道未極於玄解則
彼巢居穴處之為似不可希也故山房潔清差
愈於屢里之紛冗或可資游處而發簡寂亦無
棄焉

八金山雜志

五

贊曰悠悠山世厥理懸殊達士蘊識搜謚以
居人襟本弘隘由塵納碧嶂清湍寶療紛沓
高窓面嶺幽閣梯雲杉檜翳如囀花度芬嗟
厥淨徒匪緣弗至俗慕苟馳山胡爾界

游觀第五

天全公初歸每以良辰與客遍游西山故茲寺
亦屢至焉嘗賦滿庭芳詞所謂水長新波山橫
暮氣尤膾炙以非專詠故不具錄也

參政樓園劉公景泰中官南都時送山釋正
旭詩曰絮絮何地更相逢一錫東歸隔萬峰松
偃舊窓僧臘久花薰晴殿佛香濃空山晚叫巢
雲鶴古洞春藏作雨龍定起有詩還自寫下方
驚聽夜深鍾公先墓與山近故晚年多游之
西湖醉老杜公序來游賦詩闔閭城外翠雲間
楊子江心白浪灣踏破芒鞋蹤跡徧始知人世
兩金山蓋解嘲也杜亦進士有詩名
內閣吏部侍郎匏菴吳公寬贈釋定鄂住陽山
詩云文殊蘭若今何在說在陽山箭缺傍入定

六 金華志

六

不知風雨過白龍應向鉢中藏其後居蘇起復
將行與文太僕宗儒游焉

吏部侍郎洞庭王公鏊弘治庚申以侍讀學士
親親還鄉遂來游賦詩石徑纔窮忽又通重重
臺閣半浮空一林蒼翠瀟湘雨萬頃青黃穰穰
風鈴語上方雲氣白詩題壞壁薜痕紅不留玉
帶空歸去慚愧山僧問長公時給事中毛貞甫
實同游三月一日也

毛給事詩冠蓋如雲勝會難石林終日坐盤桓
官途一往知無暇且得青山此借看

進士都玄敬未第時常來游其清明登覽詩云
行行上翠微嵐重濕人衣過雨春山秀承筐野
蕨肥松泉聊自賞桃李未全飛更擬尋芳草留
連日暮歸

多暇子曰大游則徧歷五嶽小游則棲遲一丘
蒙莊稱鵬鷖之適其為逍遙一也

贊曰鬱矣羣山縈帶西郭含嘉吐秀古色玄
漠維春之日人士千遨載彼旨酒言憩松臯
浮生多艱亦有止息勿荒以酒厥道斯得哉
哉名公來賦其詩林谷有耀休聲永貽

六 金華志

七

草木第六

山雅多靈芝時產地上多碧色山人每採得之
弗貴也亦有蕨有苓

美竹高者至數丈其名曰毛竹並山左右皆有
之三伏蔭其下無暑氣然獨宜山岡則生移之
平陸則弗活其餘竹類甚多無踰此品游人多
愛刻名其上題蹟可經數年不壞久之益若蟲
書古篆可觀

山有岡有大松七株皆亭亭參漢可以盤桓寄
詠故是勝處

山有楊梅二樹結實雖小而味帶酸甘目為佳品歲收曝之為茗供助

含桃五六樹在北麓花時繁爛如錦實亦甜美而多為鳥雀偷食故尤貴之游人至數顆以供而已

巖下有枇杷一樹已及百年翠葉扶疎亦可愛多暇子曰東南之美匪惟竹箭也雨露所滋沃野所產為良材碩果莫不有焉是以冬夏青葱茂若垂雲纍纍甘酸足充賓豆而巖居者樂而忘其憂矣

不食山藥

个

贊曰有榮佳品叢此山樹詩貴多識書美惟喬徂徠秉操明堂之具簣簣挺節君子之素含桃珠赤盧橘丸金俱登瑚璉同為世歆睞彼巖阿孰擅其秀爛焉物表靈芝獨茂

飲食第七

乳餅者吳之上味然市鬻殊不佳茲山之下田家賣者最美故以為款客之極饌而游人多挈以歸城為贈遺蓋珍之甚

山中雨后多生菌其一名曰蕈凡有數種惟春末最多八月雖有而不時其小者可食山人鑒

之而城居不多得也樵童得者負以筠籠多售於楓橋市郭人爭買之與珍異等以其非植而有故也

山之竹生筍欲養以為竹弗食又法不疏之則害竹故或鑿而烹之誠美也又八九月竹下皆有小萌摘以投茗杯中亦佳品

山家多養蜂採蜜謂之曰杜密以和藥作湯並佳

松至三月華以杖扣其枝則紛紛墜落張衣祴盛之囊負而歸調以蜜作餅道人曰松華餅市

不食山藥

九

無鬻者

多暇子曰夫溪澗之毛可羞王公約之至也日食萬錢筋無所下泰之尤也故有坦坦之樂戚戚之憂知足與否而已矣傳云禮與其奢也寧儉儉之風雖不及又足病乎奢之尚雖所同又可藥乎或謂余不當以佛齋箴士奉斯紀山也非紀釋也因事著誠夫奚不可哉

贊曰昔在上古民未粒食農師肇興爰有后稷戒奢崇儉夙炳于篇簞瓢自樂田也稱賢慨惟茲山厥產亦夥素饌列陳品目瑣瑣清

齋淡泊靈府天游咄嗟可致姑免多求

事勝第八

山之曉多白雲瀚瀚然彌亘岩谷類飛絮縈繞間露青巖出其上畫家所作初疑以為幻設至是始悟其真有之也及雲開霧散松檜若沐灑氣之來冷人肺腑亦奇觀之甚偉者也

居山尤宜觀雨雨將至則冷風颯然為之驅倚閣遙望暝雲四合揚絲滿空或斜飛亂舞谷響林偃真有溟濛混沌之態至靜夜憑枕竹樹交戛流泉驟下與簷滴相應和有琴筑聲

大金山雜志

十一

晚山多綠烟起于麓輕籠淡抹其橫如練而夕陽掩映紫翠萬狀尤宜霞暉映諸巖隱若金碧山最宜月四山無人一輪在雲間下照空谷樹影參錯極可游

雪晝遐望皆銀峰玉嶂光明照徹迥有佳致及飛鳥時歸林動屑墜紛紛點石斯時擁爐煨榼杜持茗盃閱高士傳則山家之極致也

多暇子曰體無定適得其志則樂夫山岩之勝信美矣然而游者率一覽而去挽而止之鮮不望望然掉臂者彼固以為荒閒岑寂非人情之

所堪也樂是者則不然以為事謝酬酢則既寡乎執掌矣而又有烟雲雪月四時之景交陳而為之助抑何往而非適哉是以希文之於醴泉和靖之於虎丘皆寄業山刹其道成焉

贊曰崇山迴合昏旦氣殊為雲為霞丹素紛如時雨鏗泉密雪皓谷烟月奇麗尤宜雅曠或憩于軒或憑于闌方勞應接未止虛閒釋也實幸獲此幽賞孰記法華西軒是獎

金山雜志 畢

大金山雜志

十二

金山襍志一卷

浙江汪汝璩家藏本

明楊循吉撰循吉有蘇州府纂修識畧已著錄金

山在吳縣西三十里循吉少時嘗讀書其中歸田

後因爲之志分八篇一山勢二品石三泉四山居

五游觀六草木七飲食八勝事每篇各有論贊

鴈山志四卷首一卷

〔明〕朱諫撰 胡汝寧重輯

上海圖書館藏明萬曆刻本

附《四庫全書總目·雁山志四

卷》提要

鴈山志序

鴈山集一卷國初僧永昇編次詳畧無法猥雜偽作不足徵至是大夫蕩南朱公自吉郡歸老山中搜瀝選幽凡得殘碑缺簡賢儒父老之所傳述合如干簡勒成四卷號鴈山志以余謬當茲邑宜敘敘曰夫鴈山可不謂善勝已乎甌海東西巖谷泉洞島渚卉石臺榭殿廡耀乎嶄然何啻什百獨稱鴈蕩雁宕之生久矣其間投足而遊聚廬而處者何啻什百獨劉器之焦伯強王龜齡章大經數大君子一言一行具書在志其餘曾不得列姓

焉善夫謝公之蠟屐寔未一至騷
人顧唧唧好言靈運至于今不廢
然則物所託於不朽信自有足情
耶易有之天在山中大畜君子以
多識前言往行以畜其德志者識
也賢者識其大者言欲純事盡欲
純理其足以自畜如此志固宜不

△馬山志前序

三

賢者竊識其瑰竒登眺之小而巳
蓋前世嘗有留連茲土者忘其國
恤而逐世娛百姓廢耕桑治道牽
馬奔走絕命其意猶以為未足民
由是疾視厥山或相與目為尤物
嗚呼此豈山之性哉初子朱子子
張子偕遊南嶽酬唱終日動中倫

慮猶乃凜然深惧喪志卒定約而
去及康侯胡先生過衡愛其雄秀
望而不登曰非職事所在晚居山
下五年竟亦不出也夫張弛在時
而不在物遊息以道而不以已樂
山如是人豈有病之者哉詩云高
山仰止景行行止雖不能至余心

△馬山志前序

三

嚮往之 音

嘉靖己亥秋八月之吉新安樸
溪潘潢序

鴈山志目錄

卷之一

山名

山界

開山次第

通山路徑

谷

湫

峯

泉

池

巖

石

洞

目錄

潭

溪

澗

峽

門

嶺

障

橋

梁

卷之二

寺院

十八刹建置沿革

東外谷四寺

庵

堂

亭

附

仙釋

卷之三

草木

藥品附

鳥獸

鱗介附

卷之四

詩

序

記

目錄

目錄







